



O'ZBEKISTON RESPUBLIKASI DAVLAT AKTIVLARINI BOSHQARISH AGENTLIGINING YAGONA AKSIYADOR (ISHTIROKCHI) QARORI

20 24 yil "24" iyun

140/09-2-qr - sonli

Toshkent sh.

"O'zbek geologiya qidiruv" aksiyadorlik jamiyatining 2023-yil moliya-xo'jalik faoliyati natijalari to'g'risida

O'zbekiston Respublikasining "Aksiyadorlik jamiyatlari va aksiyadorlarning huquqlarini himoya qilish to'g'risida"gi Qonunining 58-, 59-moddalari, "O'zbek geologiya qidiruv" AJ (keyingi o'rinlarda – jamiyat) kuzatuv kengashi majlisining 2024-yil 6-iyundagi 4-2024-son bayonnomasi qarorlari va jamiyatning 2024-yil 10-iyundagi 01-14-702-son murojaatiga asosan Davlat aktivlarini boshqarish agentligi **qaror qiladi:**

1. Quyidagilar:

a) Jamiyatning 2023-yil yakuni bo'yicha:

sof tushumi 1 013,8 mlrd. so'mni tashkil etganligi va o'tgan yilning mos davriga (902,1 mlrd. so'm) nisbatan 12,4 foizga va belgilangan rejaga (994,9 mlrd. so'm) nisbatan 1,9 foizga ko'payganligi;

mahsulot (xizmatlar) tannarxi 765,0 mlrd. so'mni tashkil etganligi yoki tannarxning sof tushumdagi ulushi 75,5 foizni tashkil etgan, bunda tannarx o'tgan yilning mos davriga (83,6 foiz) nisbatan o'rtacha 2,4 foizga kamayganligi;

davr xarajatlari 214,8 mlrd. so'mni tashkil etganligi va o'tgan yilning mos davriga (137,9 mlrd. so'm) nisbatan 55,8 foizga va belgilangan rejaga (179,1 mlrd. so'm) nisbatan 19,9 foizga ko'payganligi;

sof foydasi 52,8 mlrd. so'mni tashkil etganligi va o'tgan yilning mos davriga (20,2 mlrd. so'm) nisbatan 161,6 foizga va belgilangan rejaga (30,8 mlrd. so'm) nisbatan 71,5 foizga ko'payganligi;

debitorlik qarzdorliklari 186,9 mlrd. so'mni tashkil etganligi va yil boshiga (145,6 mlrd. so'm) nisbatan 28,3 foizga ko'payganligi;

joriy kreditorlik qarzdorliklari 100,4 mlrd. so'mni tashkil etganligi va yil boshiga (164,8 mlrd. so'm) nisbatan 39,1 foizga kamayganligi;

b) jamiyat ijroiya organi faoliyatini samaradorlik muhim ko'rsatkichlari (KPI) 2023-yilda **127,7 foizni** tashkil etganligi;

d) jamiyatning 2023-yil yakunlari bo'yicha jamiyat kuzatuv kengashining hisoboti va moliya-xo'jalik faoliyatini tekshirish yakunlariga ko'ra, jamiyatning taftish komissiyasi tomonidan xulosa tayyorlanganligi;

e) jamiyatning 2023-yil yakuni bo'yicha moliyaviy hisobotlari haqqoniyligi yuzasidan "TTT-AUDIT" MChJ auditorlik tashkilotining ijobiy xulosasi olinganligi;

f) "Investment Management Audit Fayir Servis" MChJning xulosasiga ko'ra jamiyatda korporativ boshqaruv tizimi 900 ball (yuqori)ga baholanligi;

g) jamiyat kuzatuv kengashining 2024-yil 6-iyundagi majlisida:

jamiyat boshqaruv raisi (Sh. Alimov)ning jamiyatning 2023-yil yakunlari bo'yicha moliya-xo'jalik faoliyati yakuni, jumladan biznes-reja ko'rsatkichlari bajarilishi holati to'g'risidagi hisoboti;

jamiyatning 2023-yil moliyaviy-xo'jalik faoliyati va sof foydasi taqsimoti;

O'zbekiston Respublikasi Prezidentining 2023-yil 29-dekabrda PQ – 422-son qarori talablariga asosan jamiyatning yangi tashkiliy tuzilmasi;

jamiyat boshqaruv raisi (Sh. Alimov) bilan tuzilgan mehnat shartnomani amal qilish muddatini uzaytirish masalasi ko'rib chiqilganligi hamda ma'qullanganligi **ma'lumot uchun qabul qilinsin.**

2. Jamiyat kuzatuv kengashining 2024-yil 6-iyundagi majlisi qarori ma'lumot uchun qabul qilinsin.

3. Jamiyatning 2023-yil moliya-xo'jalik faoliyati yakuni, jumladan biznes-reja ko'rsatkichlari bajarilishi holati to'g'risidagi jamiyat boshqaruv raisi (Sh. Alimov)ning hisoboti ma'qullansin.

4. Jamiyatning 2023-yil yakunlari bo'yicha olingan **52 826 862 360,0 so'm** sof foydasi jamiyat kuzatuv kengashining 2024-yil 6-iyundagi majlisida berilgan takliflarini inobatga olib, quyidagicha taqsimlansin:

50 foiz (26 413 431 180 so'm) jamiyat aksiyadorlariga dividend to'lashga;

5 foiz (2 641 343 118 so'm) jamiyat zahira fondini shakllantirishga;

2 foiz (1 056 537 247 so'm 20 tiyin) jamiyatning innovatsion faoliyatni qo'llab-quvvatlash jamg'armasiga;

43 foiz (22 715 550 814 so'm 80 tiyin) keyinchalik jamiyat ustav kapitaliga kapitalizatsiya qilish sharti bilan ishlab chiqarishni rivojlantirishga yo'naltirish maqsadida jamiyat ixtiyorida qoldirish.

5. Jamiyatning 2024-yil uchun mo'ljallangan biznes-rejasi jamiyat kuzatuv kengashi majlisining 2024-yil 6-iyundagi 4-2024-son bayoni bilan qayta ma'qullanganligini inobatga olib, 1-ilovaga muvofiq tasdiqlansin.

6. Jamiyatning yangi tahrirdagi tashkiliy tuzilmasi va taftish komissiyasining tarkibi 2-3-ilovalarga muvofiq tasdiqlansin.

7. Jamiyatning affillangan shaxslari bilan kelgusida jamiyat tomonidan kundalik xo'jalik faoliyati jarayonida aksiyadorlarning keyingi yillik umumiy yig'ilishigacha bo'lgan davrda tuzilishi mumkin bo'lgan bitimlar 3-ilovaga muvofiq ma'qullansin.

8. Jamiyatning 2023-yil uchun mo'ljallangan biznes-reja ko'rsatkichlari bajarilganligini inobatga olib, kelgusida debitor va kreditor qarzdorliklarni kamaytirish hamda biznes reja ko'rsatkichlari va samaradorlikning muhim ko'rsatkichlarini bajarish sharti bilan Alimov Shamsiddin Paxritdinovich bilan tuzilgan mehnat shartnomasining muddati bir yilga uzaytirilsin.

9. Jamiyat boshqaruv raisi Sh. Alimov:

jamiyatning moliya-xo'jalik faoliyatini yaxshilash, 2024-yilga mo'ljallangan biznes-reja ko'rsatkichlarini o'z vaqtida va sifatli bajarilishini;

jamiyatning moliya-xo'jalik faoliyati yakuni, jumladan biznes-rejaning asosiy ko'rsatkichlari bajarilishi haqidagi hisobotni har chorakda jamiyat kuzatuv kengashiga taqdim etib borilishini ta'minlasin.

10. Mazkur qaror ijrosini nazorat qilish Davaktiv agentligi direktorining birinchi o'rinbosari N. Xusanov zimmasiga yuklansin.

Direktor



A. Ortikov